

嘉業堂
叢書

廣陵先生文集

第二冊

廣陵先生文集目錄

卷七

短謠

暑旱苦熱

贈杜漸子長

交難贈杜漸

答友人

答道士王元之

客杭思李長伯滿粹翁及衡父子權因寄

夜坐

寄焦韞叔

宋選示王聖美葛子明

古興

中秋望月

病起聞說貪山頗有泉石遠不能遊

眾鳥

贈周伯玉下第

送僧自聰

雜詩

答友

送崔伯易歸高郵

觀漁

山中

快哉行呈諸友兼簡仲美

壬辰三月二十一日讀李翰林銘示杜子長

慎交

西園月夜醉作短歌二闕

春夢

廣陵先生文集卷七

逢原王 令著

短謠

窗前鐙冷暈重綠窗外西風葉相逐曉霜被瓦月上軒
枕夢不成鴈聲續拂衣起步行繞壁萬慮無成淚沾臆
鐵房老劍澀不青悶擊入柱不可索白晝出門歸路迷
冬日易夜還空歸人將豪傑視如草天困英雄未與時
長鯨滯斬海波搖塞甲不卷邊塵囂吾徒顛顛乃一本作我
如此安得長喙呼重霄

暑旱苦熱

清風無力屠得熱落日着翅飛上山人固已懼江海竭

天豈不惜河漢乾崑崙之高有積雪蓬萊之遠常遺寒
不能手提天下往何忍身去遊其閒

贈杜漸子長

吾鄙少與合杜子愛所多直木有正性深源無亂波齒
少蔚未冠心古先已皤卓哉金石姿勉矣勤鍛磨

交難贈杜漸

兩鼠共謀渴相飲期入一本作反水一鼠下縋缶一鼠上銜
尾前鼠以之跌一本作失後鼠以之死鼠死何足噫夫人纔
可悲平地把手笑乘崖撥足擠賊防易爲力壯健完牆
籬交防難爲人笑面惡肝脾前日信其是今日悟其非
安得先知明有如灼火龜然則奈之何期子同吁戲

答友人

幽蘭生深林不佩亦自臭天馬苟伏阜驚足日加驟蘭生喻人學不爲士乃究馬伏俾自怠一失遂永後以今

曷爲言念子不可逗前我初

一本作始

識子愛其肌骨秀又

觀所爲詩往往擅高右迨熟相與言低俯如有就我落

成美者遽以古

一本作鄙

詩叩上言高雄張中雜富貴鬪且

將起其貪固

一本作因

欲激其懋尙謂非重邀猶恐信不厚

揮汗射爲書戴雨去自奏子始喜此讀若獲弦遂穀如

何答我詩遽此與前謬我如得則謝實若答雉

一本作雄

大凡欲有爲當決如當狄苟進又安

一本作欲

退何自鼠穴

首吾見人自荒未有一

一本作見

耕不收設或堅決爲加以勤

自副石將爲溜穿曲亦因累揉大可入聖域中能踐賢
圃借使不及然一本作此猶足聞見富中吾不可止在我國
無疚已迷不自復懼子遂著一本作蒙陋聽之無子違斯言
將不又

道士王元之以詩爲贈多見褒勉因以古詩爲

答

利劍不刺鼠大鉤不聯鰐天昏白日沈劍決浮雲披地
蕩海水搖釣引九鯨縻固其用不常安得易用爲當其
未效閒是亦鉛與鉞吾非小丈夫胸中少翹奇少年嗜
勇點跨壓百雄低兩眼皆豚羊一腹千熊羆使氣睨羣
輩問今當我誰四海有守兵謂予昔恥之左手將醢戎

右手期鋤夷書足記姓名劍亦棄不治

平聲一本作持

不願當

世是不羞羣曹嗤曰富貴在我又何有年時塊視勒山

功芥拾封侯龜一日忽自悟吾豈度強兒舊聞有六經

條

一本作修理

兩可師無不至聖人有學終自隳勿遂謂不

及吾由未嘗追好勇不好道吾將自誅非浩乎如有失

茫乎其若思望乎如未獲專乎如有期夜或不記寢晝

或忘其飢不以懦自卻不以容自卑樹而不可拔山而

不可移拒之不使雜磨之不容疵孰爲古之聖孰爲今

之推孰遠不可到孰高不可訾置易攻其難力險肆自

夷上自太古先跂軒而望羲下至三代來堯舜禹湯姬

周公汲汲勞仲尼皇皇疲軻況比踵遊雄愈磨肩馳或

是我使嚮或導我使隨或鑿我未開或完我已虧或退
而我引或墜而我提或輔而我夾或顛而我支或砭我
贅疣或膏我瘡瘍浴我收我垢醢我釀我醢計昔以較
今誤是而恨迷固知于聖賢實辱再造私道遠致力多
功大收效遲今而所存者一本作有財一毛于皮苟曰成不
成我有罪未知如夫用不用敢繫天爲辭若寒餒貧賤
此于我何居若誇毀譽訾此其如予奚王君異學者見
我加嗟咨敘其念惜心一本作情投以弔勉詩語愛則然爾
燭理似或遺輒自訟來由強答非所宜

客杭思李常伯滿粹翁及衡父子權因寄

始予旣迂疏城郭非所樂聞吳富山水思往頗計較脫

身東南來見實與聞效吳之山稜稜吳水清不撓豈無
適之徑似可永以棹而獨何爲然反門自閑一本作閑單念

我西北州數子賢莫

一本作甚

較正心醇無醜粹行瑩不匏

遽言張聖賢賡口喝弟孝大非友宜當實可師而效我
愚不敢望時以管覘豹進如暗赴明退必醜厭貌自恥
以別白疾匝天地趨坐思朝成癡夢遇夜不覺山水雖
素喜實不如誨教嗚呼何時歸作詩以自鬧

夜坐

破窗多穿風冷燭無定焰滴瀝隨衣淚反覆到心念趨
坐迷夷塗失城陷深塹病拙未爲療膏肓不容砭無家
可容歸有龜外斷捺鼻短鶴脰長飲啄兩自贍天有不

可問何獨于我欠吾觀序卦辭否乃適泰漸而余何爲者獨此不見驗譬如白爲緇一造遂永染久生人所羨我獨處之厭安得蓋棺去手足同一歛

寄蘇夫焦韞叔兼簡三姉

風舟挽晴江載客日夜行身遠心在家腹腸何由平未知所到期先計還歸程時尋別時語涕淚下縱橫仰觀風中雲下視水上萍共在天地閒可無同飄零瀉此樽中酒美魚具飲羹雖飽不厭饑強醉終日醒笑言雖在遠音問猶有一本本作有可形願因東南風時寄西北聲

采選示王聖美葛子明

酒盞

一本本作清樽

厭連行眾客喧已醉忽作

一本本作指

簿上籍共

出名外仕孤昂忽雄軒泯默亦馴致追爭相後先得失
自愚智隨時有能稱逐覺得呵嘗有非人力爲竟亦一

作適與

天幸值或果以禍福亦有終自遂卒無及物效徒

自高人氣回鑄變新局忽若已異世嗟人久已迷高爵

樂自嗜誰爲衍衍飽竟是一

一本作遂

孜孜利矜驕決一

一本作快

雄

奢摧折歎淹滯昏昏忘所大擾擾爭其細安知茫昧閒
身非天所戲是非未暇辨歡戚先已致退之昔裁詩頗

以豪橫恃暮年志氣得金玉多自慰買居紀堂

一本作廂

榮

顧影樂簪佩喜將閭巷好持與妻子議彼哉何足道進
退於焉係安知九列榮顧是德所累寧論聖人爲適莫
固以義有時曲肱樂不以易富貴吾曹頗勉修茲道久

自詣何必問浮雲斯理固可視

古興

颭颭樹頭葉翻翻水中浮暮潮通長河載入江海流顛
倒溼就溺紛淪來不休行人坐成歎風惡久藏舟

中秋望月

月形何完完秋靜氣彌放玉輪因瑕類投擲去天仗前
無衡輓施憑誰挽能上回旋天地周馳騁固一本作信已壯

古今磨不磷剛耿固可諒子欲假之游自投上窮亢東

折扶桑枝

一本作株

西塞昧谷曠天機與迴幹日馭縱休暢

苟留揚輝中無復顛側悵

顛一作傾

是謀敢吾專行矣天一本

作

帝訪傳聞天路艱蹉蹶

一本作跌

就淪喪帝居深九閭有

謁未易傍鬼神喜陰暗陳列忌忠亮進知自致艱退使
斯謀妄回頭暮堂上

一本作中螢燭光相望

病起聞說貪山頗有泉石遠不能遊

一端百志墮起逢秋物闌力弱未勝行厭聞客言山言
山多在遠雖近尚莫攀拏深吾無舟逐陸誰借鞍不如
無所聞收心就恬安南軒頗扶疏古木高四觀不知秋
葉疏但怪朝影斑羸軀便偃側藉有稟與筦仰攀孤雲
高卧見飛鳥還苟此且自適何

一本作奚能謀所艱

眾鳥

鴟鴞枝上鳴欲下飛復屢忽投羣輩先以我棄肉去羣
鳥起爭攫既失反親暮餓鴟盤且

一本作礪下欲奪進復懼

羣鵲

一本作鶴

何軒軒聚噉如罵怒鳩鵲恨不逮回旋自號

呼庭雀審細微知非已能預跳梁暮堂下不舍稗粒顧

贈周伯玉下第

京塵漠無聊客書聞報罷拔身眾人後載水千里下微

裝困無餘歸馬劇連跨邈无失時歎抗舉與俗謝但言

廢文學從今益休暇詩書得窮搜

一作搜尋

朋友可邀迓如

解萬里駿脫去銜

一本作衡

輒駕雖時念親貧歎息忽自咤

已如嬰兒嘑心在聲不啻悲樂于

一本作與

俗異使我喜失

詫吾聞百年生暫就天地舍中閒有違遇窮達何足訝

譬之適時運寒暑變冬夏炎涼忽焉殊葛裴代相藉于

身亦何預時與外物借嘗聞莊生言中不但外化逢鷄